



UNIVERSITÄTS-  
BIBLIOTHEK  
PADERBORN

## **Universitätsbibliothek Paderborn**

**Epitome In Qvator Lib. Sententiarvm M. Petri Lombardi**

**Spina, Claudius de**

**Parisiis, 1551**

42. de cognatione spirituali.

**urn:nbn:de:hbz:466:1-38840**

contigerit. episcopi eos per fidem Christi obtestentur, quatenus palam fateantur, si se cognoscunt consanguineos. Si se iudicio episcoporum segregauerint, alia matrimonia non prohibeantur contrahere.

CAP. Quintum. *Varia sunt cum muliere libidinandi species.*

1. **F**ornicatio, licet sit genus omnis illiciti
  2. **C**oitus qui fit extra uxorem, tamen specialiter intelligitur in usu viduarum, vel
  3. meretricum, vel concubinarum. **S**ed primum
  4. proprie est virginum illicita defloratio. **A**dulteriū alieni thori violatio. vnde adulterium dicitur quasi alterius thori accessio.
  5. **I**ncestus est consanguinearum vel affinium abusus. **R**aptus admittitur, cum puella violenter à domo patris educitur, vt corrupta in uxorem habeatur. Si puellæ, sine parentibus, vis illata constiterit, hic morte mulctatur. Sed si ad Ecclesiam cum rapta confugerit, Ecclesiæ priuilegio mortis impunitatem meretur.
- Raptoribus puellarum quæ pœna aut gratia debeatur.*

### DE IMPEDIMENTO spiritualis cognationis.

DISTINCT. 42. CAP. Primum.

*Cognatio spiritualis impedit matrimonium contrahendum, non dirimit autē contractum, si prius fuerint legitimi cōiuges.*

**I**am de spirituali cognatione addamus,  
 quæ etiam personas impedit, vt non sint  
 legitimæ ad ineundas nuptias. Tria qui-  
 dem sunt: Consanguinitas, quæ est inter eos  
 qui iunguntur sec. lineam generis: Affini-  
 tas, quæ est inter eos qui mediante genere  
 sunt sociati: & spiritualis proximitas, quæ  
 est inter compatrem & commatrem, & in-  
 ter eos, quorum vnus alterum de sacro fon-  
 te leuauit, vel in cathecizatione vel confir-  
 matione tenuit. Dicitur etiam spiritualis fi-  
 lia sacerdotis, quæ ei peccata sua confitetur.  
 Quod autem compater & commater sibi  
 iungi nequeant, nec pater spiritualis, nec ma-  
 ter filiæ vel filio spirituali, ex concilio Ma-  
 guntin. docetur: Quod si filiulam aut com-  
 matrem suam aliquis in coniugium dixerit,  
 separandos esse iudicamus, & graui pœna  
 plectendos. Item Iohan. papa ait: Ad limina  
 S. Petri homo quidam nomine Stephanus,  
 veniẽs, nostro præsulatui innotuit, quod filiũ  
 suũ in extremo vitæ positum, necdũ baptismi  
 vnda lotũ, absentia sacerdotum cogente ba-  
 ptizauit, eũque propriis manibus suscepit.  
 Atque pro huiusmodi negotio reuerentia  
 tua præfatum hominem à sua coniuge iudi-  
 cavit esse separandum. Quod fieri nullate-  
 nus debet, dicẽte Scriptura, Quod Deus cõ-  
 iũxit, homo nõ separet. & Dominus nõ dimit-  
 tere vxorẽ nisi causa fornicationis iubet, &c,

30 q. 1

c. de eo

ibid. c.

ad li-

mina.

gen. 1.

matt. 5

c. 19.

Spei vnde  
 filia sacerdotis  
 quæ

C A P. Secundum. Spirituales vel  
adoptivi filij naturalibus co-  
pulari nequeunt.

292. A. **I**D Nicol. pap. testatur, ita inquit: Ita di- 35. q. 5  
ligere debet homo eum qui se suscepit c. ita di  
de sacro fonte, sicut patrem. Inter fratres ligere.  
& filios spirituales: gratuita & sancta com-  
munio est, quæ dicenda non est consanguini-  
tas, sed habenda spiritualis proximitas.  
Vnde inter eos arbitror non posse fieri le-  
gale coniugium: quia nec inter eos qui na-  
tura, & eos qui adoptione filij sunt, vene-  
randæ leges matrimonia contrahi permit-  
tunt. Hoc autem quidam volunt intellige-  
re tantum de illis filiis qui compatres facti  
sunt. De aliis verò qui ante cõpaternitatem  
vel post, geniti sunt, concedunt quòd legiti-  
mè & licitè iungi possunt. Quibus videtur c. super  
consentire Urbanus papa, vbi suprà. Pasca- quibus  
lis verò secundus post cõpaternitatem ge- ibid. c.  
nitos copulari prohibet, scribens Regio epi- post sus-  
scopo. ceptu.

C A P. Tertium. Post obitum vxo-  
ris vir potest commatri defun-  
ctæ vxoris coniungi.

**E**X epist. Pascalis papæ legitur: Post Ibid. c.  
vxoris obitum, cum commatre vxoris post v-  
coniugio copulari nulla ratio vel au- xoris.

thoritas videtur prohibere. Non enim per  
carnis vnionem ad vnionem carnis tráfitur.

C A P. *Quartum. Coniuges non li-  
cité possunt simul leuare de  
sacro fonte.*

*ibid. c.  
quòd  
vxor.*

**D**E hoc Vrba. ait: Quòd vxor cum ma-  
rito in baptismo simul non debeat sus-  
cipere puerum nulla auctoritate vide-  
tur vel reperitur prohibitum: sed vt ipsa pu-  
ritas spiritualis paternitatis ab omni labe &  
infamia conseruetur immunis, decreuimus  
vt vtrique simul ad hoc aspirare non præ-  
sumant.

C A P. *Quintum. Secunda, tertia,  
& quarta nuptia non sunt  
damnanda.*

*I. co. 7.  
51. 7. 1.  
Deus  
masc.*

**V**Nde August. Secundas nuptias omni-  
no licitas concedit Apost. *de tertiis &  
quartis & de vltra pluribus nuptiis so-  
lent homines mouere quæstionem. Sed  
quis audeat definire, quod nec Apostolum  
video definisse? ait enim: Si dormierit vir  
eius, cui vult nubat. non dicit, primus, vel se-  
cundus, vel tertius, vel quotuslibet. nec à no-  
bis definiendum est quod non definit Apost.*  
Vnde, vt breuiter respondeam, nec illas nu-  
ptias debeo damnare, nec eis verecundiam  
numerositatis auferre, nec contra humanæ

verecundia sensum audeo dicere, vt quoties  
voluerint nubant : nec ex meo corde præter  
Scripturæ autoritatem , quotslibet nu-  
ptias damnare.

## DE RESURRECTIONE

vniuersali, & primò de re-  
surrectionis veritate.

*Hactenus  
de sacramē-  
tis no. legis,  
nunc de fi-  
nali gloria  
per ea con-  
sequenda.*

D I S T I N C T. Quadragesimæ tertie  
C A P. Primum.

*Omnium erit generalis resurrectio.*

**A** It enim Esaias : Resurgent mortui, & *esa. 26*  
resurgent qui erunt in sepulchris. & *1. thes-*  
Apolt. Nolumus vos ignorare de dor- *sa. 4.*  
mientibus, &c. Hoc enim vobis dicimus  
in verbo Domini, quia nos qui viuimus,  
qui res. su. non præu. eos qui dorm. quon.  
ipse dom. in ius. & in vo. arc. & in tu. d. desce.  
de cælo, &c. His verbis & veritas resurre-  
ctionis, & causa, atq; ordo resurgentiũ præ-  
clarissimè insinuatur. *Causa* enim resurre-  
ctionis mortuorũ erit vox tubæ. vnde Proph.  
Dabit voci suæ vocem virtutis. & Iohan. *ps. 67.*  
ait: Venit hora in qua omnes qui in monu. *Ioh. 5.*  
sunt, aud. vo. &c. *Hæc tuba est clamor* (ait  
August.) de quo dicitur in Euangel. *Media*  
nocte clamor factus est. *Media autem* *mat. 25*  
nocte dicitur venturus ( vt ait August.) non